


周氏醫學叢書

第十五冊



本艸經疏卷二十二

蟲魚部下品

總八十一種今疏其要者十八種

蝦蟇

蟾酥

牡鼠糞

蛤蜊

粉附

蚘

殼附

蚰蛇膽

蛇蛻

白頸蚯蚓

蜈蚣

蛤蚧

水蛭

斑貓

田中螺汁

白花蛇

烏蛇附

蜚螋

五靈脂

蜎

鮫鯉甲

蝦蟇味辛寒有毒主邪氣破癥堅血癰腫陰瘡服之不
患熱病療陰蝕疽癰惡瘡獬犬傷瘡能合玉石一名蟾

蜍

〔疏〕蝦蟇蟾蜍本是二物經云一名蟾蜍者蓋古人通稱蟾爲蝦蟇耳經文雖名蝦蟇其用實則蟾蜍也今世所用者皆蟾蜍而非蝦蟇其功益可見矣稟土金之精氣上應月魄性亦靈異其味辛氣寒毒在眉稜皮汁中其主癰腫陰瘡陰蝕疽癰惡瘡獠犬傷瘡者皆熱毒氣傷肌肉也辛寒能散熱解毒其性急速以毒攻毒則毒易解毒解則肌肉和諸證去矣凡瘟疫邪氣得汗則解其味大辛性善發汗辛主散毒寒主除熱故能使邪氣散而不畱邪去則胃氣安而熱病退矣破癥堅血者亦以其辛寒能散血熱壅滯也陶隱居云其肪塗玉則刻之如蠟故云能合玉石近世

治小兒疳疾多用以其走陽明而能消積滯也

主治參互

全嬰方五疳保童丸治五疳八痢面黃肌瘦好食泥土不思乳食用大乾蟾蜍一枚燒存性皂角去皮弦一錢燒存性蛤粉水飛三錢麝香一分糊丸粟米大空心米飲下三四十九日二服 鄭氏小兒方走馬牙疳侵蝕口鼻乾蚬蛸黃泥裹固煨過黃連各二錢半青黛一錢入麝香少許和研傅之 錦囊秘覽附骨壞瘡久不瘥膿汁不已或骨從瘡孔中出用大蝦蟆一箇亂髮一雞子大猪油四兩入二物煎枯去滓待凝如膏先以桑根皮烏頭煎湯洗拭乾煨龍骨末

糝四邊以前膏貼之 醫林集要發背腫毒初起勢重者以活蟾一箇破開連肚乘熱合瘡上不久必臭不可聞再易三四次卽愈 袖珍方治風犬傷卽用蟾蜍後足搗爛水調服之先於頂心拔去血髮三兩根則小便內見沫也

○蟾酥甄權雲端午日取眉脂以朱砂麝香爲丸如麻子大治小兒疳瘦每日一丸如腦疳以乳汁調滴鼻中日華子云眉酥治蚰牙和牛酥摩傳腰眼并陰囊治腰腎冷并助陽氣蘇頌云主蚰牙及小兒疳瘦觀諸家所主但言其有消積殺蟲溫煖通行之功然其味辛甘氣溫善能發散一切風火抑鬱大熱癰腫之

候爲拔疔散毒之神藥第性有毒不宜多用入發汗散毒藥中服者尤不可多

主治參互

同鐵繡桑礪麝香牛黃冰片用金鍼鍼入疔根抹入前藥其疔根卽爛出 治疔九同硃砂冰片牛黃明礬白礬蠶麝香黃蠟溶化作丸麻子大用葱頭白酒吞下取汗不過二三小丸 青囊雜纂拔取疔黃蟾酥以麵丸梧子大每用一丸安舌下卽黃出也 危氏方拔取疔毒蟾酥以白麵黃丹搜作劑每丸麥粒大挑破納入仍以水澄膏貼之 保命集一切瘡毒蟾酥一錢白麵二錢硃砂少許井水調成小錠子如

麥大每用一錠葱湯服汗出卽愈如瘡勢緊急用三四錠 萬氏家抄凡癰疽發背無名腫毒初起者急取蟾酥三五分廣膠一塊米醋一二碗入銚內火化開用筆蘸乘熱令人不住手周圍潤之以散爲度

簡誤

蟾雖有毒與病無害其眉酥有大毒不宜多服諸家咸云治小兒疳瘦恐非正治不宜漫嘗也卽用亦煨過者予親見一人因齒痛以蟾酥納牙根誤吞入頭目俱脹大而斃卽陶注云其皮汁甚有毒犬嚙之口皆腫之驗也惟疔腫服之者取其以毒攻毒之義然其劑亦甚小不能爲害耳外治殊有神效若欲內服

勿過三釐慎毋單使必與牛黃明礬乳香沒藥之類同用乃可如瘡已潰欲其生肌長肉之際得之作痛異常不可不知也

牡鼠糞微寒無毒主小兒癇疾大腹時行勞復

兩頭尖者是牡

鼠屎

〔疏〕牡鼠糞本經諸家不言味但云微寒無毒然詳其所自應是苦鹹之物蓋鼠屬水而凡糞必苦者也入足陽明足厥陰經其主小兒癇疾大腹及時行勞復者皆熱邪在陽明也苦寒能除是經之熱所以主之古方治男子陰易腹痛婦人吹乳乳癰皆取其除熱軟堅泄結走肝入胃之功耳

主治參互

同白芷山茨菇山豆根連翹金銀花蒲公英夏枯艸
貝母橘葉桔樓根紫花地丁牛旁子治乳癰乳岩有
效 外臺秘要傷寒勞復用雄鼠屎二十枚豉五合
水二升煮一升頓服活人書加梔子葱白 南陽活
人書男子陰易及勞復猥鼠屎湯用猥鼠屎兩頭尖
者十四枚韭白根一大把水二盞煎一盞溫服得黏
汗爲效未汗再服 集要方婦人吹奶鼠屎七粒紅
棗七枚去核包屎燒存性入麝香少許溫酒調服并
治乳癰初起 普濟方大小便秘雄鼠屎末傅臍中
立效 除傷寒勞復陰易及乳癰乳岩外他用甚稀

故不著簡誤

蛤蜊冷無毒潤五臟止消渴開胃解酒毒主老癖能爲寒熱者及婦人血塊煮食之

〔疏〕蛤蜊稟水中之陰氣以生其味鹹氣冷無毒入足陽明經五臟皆屬陰得水氣之陰者其性滋潤而助津液故能潤五臟止消渴開胃也鹹能入血軟堅故主婦人血塊及老癖爲寒熱也煮食更能醒酒

○蛤粉丹溪云味鹹寒無毒主熱痰濕痰老痰頑痰疝氣白濁帶下同香附末姜汁調服主心痛

〔疏〕此卽蛤殼煨成粉者其味鹹氣寒無毒爲諸痰證之要藥蓋痰未有不由火氣上炎煎熬津液而成鹹

能軟堅潤下得之則火自降痰結自消矣疝氣白濁帶下皆腎經爲病也腎屬水鹹爲水化氣類相從故能入腎以除其所苦也心痛者心虛而熱邪客之也五臟苦欲補瀉云心欲軟急食鹹以軟之此之謂也更有消浮腫利小便散癭核腫毒婦人血塊湯火傷瘡等用

主治參互

普濟方氣虛水腫用大蒜十箇搗如泥入蛤粉丸梧子大每食前白湯下二十九服盡小便下數桶而愈
潔古方治白濁遺精眞珠粉丸用蛤粉煨一斤黃檗蜜炙一斤爲末水跌爲丸梧子大每服一百丸空

心溫酒下日二次蓋蛤粉味鹹而能補腎陰黃檗苦而降心火堅腎故也

簡誤

肉氣味雖冷乃與丹石人相反食之令腹結痛殼粉善消痰積血塊然脾胃虛寒者宜少用或加益脾胃藥同用爲宜

蚶溫主心腹冷氣腰脊冷風利五臟健胃令人能食又云溫中消食起陽益血色 殼燒過以米醋三度淬後埋令壞醋膏丸治一切血氣冷氣癥癖

〔疏〕蚶得水中之陽氣故其味甘氣溫性亦無毒經曰裏不足者以甘補之又曰形不足者溫之以氣甘溫

能益氣而補中則五臟安胃氣健心腹腰脊風冷俱
瘳矣胃健則食自消臟煖則陽自起氣充則血自華
也殼味鹹走血而輒堅故能治血氣冷氣癥瘕丹溪
用以消血塊化痰積以此也今世糟其肉爲侑酒之
物罕有入藥者殼惟消癥瘕之外無他用故竝不著
主治及簡誤

蚌蛇膽味甘苦寒有小毒主心腹蠱痛下部蠱瘡目腫
痛

〔疏〕蚌蛇稟火土之氣其膽爲甲乙風木之化故其味
苦中有甘氣寒有小毒氣薄味厚陰也降也入手少
陰足厥陰陽明經心腹蠱痛者蟲在內攻嚙也下部

蠱瘡者蟲在外侵蝕也溼熱則生蟲苦寒能燥溼殺蟲故內外施之皆得也肝開竅於目肝熱則目腫痛入肝泄熱則腫痛除矣今人受杖時用此噙化可得不死其功能護心止痛使惡血不上薄心有神力也

主治參互

同血竭乳香沒藥狗頭骨灰蜚蟲天靈蓋象牙末麻皮灰丹砂作丸臨杖服一丸護心止痛多杖無害

聖惠方小兒急疳瘡水調螞蛇膽傳之 醫方摘要

痔瘡腫痛螞蛇膽研香油調塗立效 眞膽絕難得

狹長通黑皮膜極薄舐之甜苦剔取栗許著淨水中浮游水上回行走者爲眞其徑沈者非也勿多著

亦沈散也今世惟爲受杖人所需餘甚稀使故不著

簡誤

蛇蛻

音稅

味鹹甘平無毒主小兒百二十種驚癇瘈瘲癰

疾寒熱腸痔蟲毒蛇癰弄舌搖頭大人五邪言語僻越

惡瘡嘔欬明目火熬之良

〔疏〕蛇蛻蛇之餘性猶存不以氣味爲用者故蛇之性

上竄而主風蛻之用入肝而辟惡其性一也小兒驚

癇瘈瘲癰疾寒熱蛇癰弄舌搖頭大人五邪言語僻

越皆肝經爲病邪惡侵犯也蛇蛻走竄能引諸藥入

肝散邪故主如上等證善能殺蟲故主腸痔蟲毒惡

瘡邪去木平故止嘔欬明目今人亦用以催生去翳

膜者取其善脫之義也

主治參互

肘後方治小兒頭面瘡蛇蛻燒灰臘猪脂和傅之并
治小兒月蝕 周蜜齊東塾語云小兒痘後障翳蛇
蛻一條燒焙天花粉五錢爲末以羊肝破開夾藥縛
定米泔水煮食屢試輒效真奇方也 濟生秘覽治
橫生逆生須臾不救用蛇蛻一具蟬蛻十四箇髮一
握竝燒存性分二服酒下仍以小鍼刺兒足心擦鹽
少許卽順井能下胞衣 產乳方婦人吹乳蛇皮一
尺七寸燒末酒服 千金方諸漏有膿蛇蛻灰傅之
卽蟲出 直指方魚臍瘡出水四畔浮漿用蛇蛻燒

存性雞子清和傅 醫方摘要耳忽大痛如有蟲在
內奔走或血水流出或乾痛不可忍者蛇蛻皮燒存
性研細鵝翎吹入卽愈

簡誤

小兒驚癇癲疾非外邪客忤而由於肝心虛者不效
白頸蚯蚓味鹹寒大寒無毒主蛇瘕去三蟲伏尸鬼疰
蠱毒殺長蟲仍自化作水療傷寒伏熱狂謬大腹黃疸
一名土龍 畏葱鹽

〔疏〕蚯蚓得土中陰水之氣故其味鹹寒無毒大寒能
祛熱邪除大熱故主伏尸鬼疰及療傷寒伏熱狂謬
鹹主下走利小便故治大腹黃疸諸蟲瘕咸屬溼熱